

(Bahagian Canselori)

Surat khabar: Utusan Sarawak (Sada Sarawak)

Hari/Tarikh: 26/5/2016

Muka surat: S4

Tajuk : Platform strategik ngempuang raban akademik

4 Utusan Borneo Khamis, 26 Mei 2016

Tempatan

Pengguna jalan raya harus mengubah sikap

Elemen hormati peraturan jalan raya wajar dibudayakan dalam masyarakat bagi mengurangkan kadar kemalangan

Oleh Sandy Mark Luna

KOTA SAMARAHAN: Tugas memastikan kadar kemalangan terus menurun tidak dapat diletakkan di bahu pihak berkuasa semata-mata jika para pengguna jalan raya tidak dapat mengubah sikap masing-masing.

Menurut Ketua Pengarah Jabatan Pengangkutan Jalan (JPJ) Datuk Seri Ismail Ahmad, elemen menghormati peraturan jalan raya wajar dibudayakan dalam setiap anggota masyarakat bagi mengurangkan kadar kemalangan yang turut menyebabkan kematian.

Jumlah kemalangan jalan raya pada 2015 katanya, meningkat kepada 489,000 kes berbanding 476,000 pada tahun sebelumnya manakala jumlah kematian meningkat kepada 6,706 kematian berbanding 6,674 pada 2014.

“Kemalangan membabitkan kematian kian meningkat dari tahun ke tahun. Oleh itu, budaya menghormati jalan raya harus diterapkan dalam sikap para pengguna jalan raya dan ini merupakan cabaran yang kita hadapi.”

Datuk Seri Ismail Ahmad
Ketua Pengarah JPJ

“Kemalangan membabitkan kematian kian meningkat dari tahun ke tahun. Oleh itu, budaya menghormati jalan raya harus diterapkan dalam sikap para pengguna jalan raya dan ini merupakan cabaran yang kita hadapi,” katanya.

Beliau berkata demikian ketika berucap melancarkan Kelab Skuad Muda (SM) 1JPJ di Panggung Gemilang, Universiti Malaysia Sarawak (UNIMAS) di sini, semalam.

Hadir sama, Timbalan Naib Canselor (Hal Ehwal Pelajar Alumni) Profesor Mohd Fadzil Abdul Rahman dan Ketua SM 1JPJ Sarawak Datuk Dr Azman Samaon.

Ismail berkata, perubahan itu boleh berlaku apabila generasi yang mengamalkan budaya menghormati jalan raya diwujudkan seperti dimulakan di negara-negara maju puluhan tahun lalu.

Beliau turut menyifatkan SM 1JPJ sebagai tulang be-



TAHNIAH: Ismail (dua kiri) menyampaikan watikah pelantikan pengurus SM 1JPJ kepada Azman selepas melancarkan SM 1JPJ di UNIMAS. Turut kelihatan, Fadzil (kiri).

lakang kempen kesedaran peraturan jalan raya. Setakat ini katanya, ia

meningkat kepada 500,000 pada tahun depan dan seterusnya satu juta orang menjelang 2020.

“Skuad Muda (1JPJ) yang ditubuhkan di sekolah serta universiti akan membawa gelombang kesedaran di kalangan pelajar tentang keselamatan jalan raya,” katanya.

Sementara itu Fadzil berkata, universiti itu melakar peristiwa penting apabila terpilih sebagai universiti awam ketiga menubuhkan SM 1JPJ selepas Universiti Pendidikan Sultan Idris dan Universiti Malaya.

Menurut beliau, ia merupakan nilai tambah yang amat dialu-alukan kerana pendekatan badan beruniform itu berteraskan kesukarelaan, aspek keselamatan, patriotisme dan perpaduan.

“UNIMAS ingin melahirkan pelajar serba boleh atau holistik. Penubuhan SM 1JPJ ini pasti dapat memberi nilai tambah yang membentuk keperibadian mereka,” katanya.

Disediakan oleh: Olivia Ajan
Bahagian Canselori